

ստանալի օգուտը անհուն, վասն զի մենք փոխանակ մի կամ երկու թղթակից պահելու Եւրօպայում, կուենանք մի ամբողջ օրդան փարիզում. եւրօպացւոց մեծ լրագիրները քաղաքը անելով նրանից իրանց հասարակութեանց ճիշտ գաղափար կը հաղորդեն Հայաստանի թշուառ բնակիչներին անմխիթար դուրսեան մասին»:

Հայոց ազգը, այդ բարեբաւստ, աշխարհի երեսին բացառութիւն կազմող ազգը, չը գիտեմ թէ ինչ բաղաւոր ատողի տակ է ծնած. երբ յոյները հարկուր հազարներ են վասնում, մեզ հայերիս համար, բաւական է որ 200—400 բաժանորդ գրվենք պ. Կիւլօրիէի լրագրին ու կենսաբի ամենայն բարութիւնները վայելենք, անհուն օգուտներ քաղենք... Ինչո՞ք յոյներ, երանելի հայեր, Բայց այս անգամ ես կը ցանկանայի յոյն լինել, որ իմ ազգը իր ժամանակին հարկուր հազարներ վասնէր իր ձգտումները իրագործելու համար և ոչ հայ, որ այսպիսի մի ձգնածամուտ, որի մէջ է փոքր-Ասիան, աշխարհիկ ու սպասէի երբ պիտի պ. Կիւլօրիէն սկսի իր վրա ընդունած գործը, որից անհուն օգուտներ քաղէր իմ ազգը... Մենք չենք հերքում պ. Կիւլօրիէի լրագրի պէս մէկ լրագիր անհրաժեշտ է հային. աւելացնում ենք՝ հարկաւոր էր, հարկաւոր է այժմ և հարկաւոր կը լինի ապագայում, բայց մի և նոյն ժամանակ պիտի ասենք՝ թէ լոկ այդ միջոցը բաւական չէ հայոց խնդրի պրօպագանդայի համար: Եթէ հարկաւոր է մեզ պ. Կիւլօրիէի լրագիրը, ոչ պակաս հարկաւոր են մեզ թղթակիցներ որպէս Հայաստանում, նոյնպէս և Եւրօպայում, հարկաւոր են, եթէ կարելի լինի հիմնել բաժնիներ «Temps» և ուրիշ լրագիրներում, ինչպէս տոաջարկում է պ. Սաղաթեմեանը. մէկ խօսքով՝ հարկաւոր է և մեզ հարկուր հազարներ վասնել, որ հայի դատը լսի Եւրօպան... Մեծ յոյներ զենել պ. Կիւլօրիէի օրգանի վրա օպտիմիստութիւն է, ի նկատի ունենալով որ այդ լրագրի հիմնական ֆօնդը 200—400-ի բաժանորդագրին է լինելու: Սա մի այնպիսի գումար է որ ոչ թէ իր սեպական թղթակիցները կարող է ունենալ, այլ նրա գրաւարներն անդամ պիտի քաղցրանան լինեն: Քաղաքական հարցերով պաշտպան լրագրի պահանջները մեծ են և այսպիսի չնչին գումարը նրա հիմնական ֆօնդ չէ կարող լինել, և ճշմարիտը ասենք՝ մենք չենք կարծում որ պ. Կիւլօրիէն այս հազարով պիտի պարագլի: Այստեղ մի տարակուսութիւն կայ... Կարելի է յարգելի արեւելագէտը ուզում մի մի մասնաւոր հայոց օրգան ունենալ, որտեղ կարելի լինի հայոց վերաբերմամբ գիտնական հարցերով պարագլել—այդ ուրիշ բան է, բայց թէ հայոց խնդրին այս և այն ընթացքը տալու համար բաւական չեն ոչ թէ 400-ի բաժանորդագրին, այլ և հազարներ... բաւական չէ միայն պ. Կիւլօրիէի աշխատանքը. նրան հարկաւոր են աշխատակիցներ, գրականութեան մէջ անուն ունեցող գրողներ, թղթակիցներ և ուրիշ այն ամենը, ինչ որ կենսաբի է տալիս մի ակնաւոր խմբագրութեանը: Մէկ մասնաւոր գիտնական լոկ իր ոյժով խմբագրութիւն չէ կարող ներկայացնել, ինչպէս մէկ ծիծեռնակ զեռ գարուն չէ գուշակում...:

Ձը լինի թէ հարկուր հազարներ վասնող յոյները վերջ ի վերջոյ ասէին երջանիկ հայերին, որոնք պ. Կիւլօրիէի լրագրից անհուն օգուտներ պիտի քաղեն.—Sic vos non vobis! (զուք էք, բայց ձեզ համար չէ):

Գաս. Սաղաթեան

ՆԱՄԱԿ ՀՈՒՇՈՒՑ

Յուլիսի 12-ին

Յայտնի է որ Հուշու հայոց հոգևոր դպրոցը ունէր մեծ հոգային կալուածներ, մօտաւորապէս 200 հազար զեմետային չափով: Այդ հոգերի կէտը անցաւ մասնաւոր անձերի ձեռքը և կատարելապէս կորաւ դպրոցի համար: Այժմ դպրոցը ունի պահած այդ կալուածների կէտը, մօտ 100 հազար զեմետային հող: Բայց հողաբարձուները ոչինչ արդիւնք չեն ցոյց տալիս այդ անաղին հողերից: Ինչպէս է լինում այդ,—չը գիտեմ: Միայն գիտեմ, որ դպրոցը կառավարում է շատ անհաստատ արդիւնքներով՝ ծխագրամով, պատկազրամով, մոմավաճառութեան և այլ եկամուտներով, Հուշու երկու դպրոցները՝ արականը և իգականը այսպիսով կառավարվում են ընդամենը 8000 բուրլ արդիւնքով, այն էլ շատ անհաստատ ար-

դիւնքով: Այն ինչ այդ երկու դպրոցները կառավարելու համար հարկաւոր է առ նուազն 11,000 բուրլ տարեկան եկամուտ:

Բայց չուշեցինք, որոնք շատ առատաձեռն են, երբ հարկաւոր է օգնել թշուառ գիմնադրային, կամ քաղաքային օրիորդական դպրոցին, մի երեք հազար բուրլ իրանցից չեն կամենում աւելացնել, որպէս զի իրանց ազգային դպրոցներն ապահովեն:

Հուշեցինք շատ ընդունակ մարդիկ են, առհասարակ, լաւ խօսողներ են, առ երես աղատամիտ են, խօսքով ամեն գործին պատրաստ են,—բայց հէնց որ խօսքը դուրս պիտի դառնայ, բոլորն էլ յետ են քաշվում... Հուշեցին միայն այն գործին ձեռք կը տայ, որտեղ չանկայ, կամ փառք: Նա օգնում է պետական զուրոյցին ոչ թէ որովհետեւ հասկանում է թէ ուսումը լաւ բան է, որ ուսման գործին օգնելը, ինչ լեզուով էլ կատարվի նա, գովելի գործ է,—ոչ, այլ միայն այն պատճառով որ պետական իրական դպրոցին, կամ թշուառական գիմնադրային գումար գոհնելով, նա կարող է պատուաւոր հոգաբարձու դառնալ, մուշղիր կրել, գուցէ աստիճան և պատանշան ստանալ: Իսկ հայոց դպրոցին օգնելով նա ոչինչ չան հոգնի:

Լինում է ժողով հայոց դպրոցի մէջ. կը հաւաքվեն, կը խօսեն, ոչինչ չեն անի և կը ցրվին: Մի և նոյն օրը, մի և նոյն անձինք կանչված են թշուառական դպրոցին ներթափան նպաստ հասցնելու համար. նոյն հայերը մի քանի ժամվայ մէջ հազարներ կը հաւաքեն իրանց մէջ և կը ներկայացնեն թշուառական դպրոցի վարչութեանը:

Հայի այդ հանելուկ կազմող բնաւորութեան մասին դուք ինքներդ ինչ կամենաք դատողութիւն արէք:

ՆԱՄԱԿ ԽՄԲԱԳՐԻՆ

Թիֆլիս, 21 յուլիսի

Որքան որ աւելորդ է հոգեորականների վերաբերեալ յօդուածներով լցնել ձեր պատուական թերթերի էջերը, որովհետեւ հարկ եղածը խօսած էք, բայց և այնպէս հետեւալ դարմանալի դէպքի մասին լուր անկարելի համարելով, խնդրում եմ խոնարհաբար, պ. խմբագիր, բարեհաճէք տպել հետեւեալը:

Ներկայ յուլիս ամսոյ 5-ին, կիրակի օրը կառավարելու էր քաղաքացի Սաղաթեմեանի պատկի խորհուրդը թէ՛ թիֆլիսի սուրբ Գեորգ եկեղեցում փեսայի կողմից Մոդու Տէր Արիստակէս աւագ քահանայն էր, իսկ հարսի քահանայն էր Ծղզնէի և Մցխեթի գիւղերի Սարգիս քահանայ Ներկեանց, ուստի և օր առաջ յիշեալ քահանային տոմսակ ուղարկելով Ծղզնէի, հրաւիրում են անպատճառ կերակրի ներկայանալու հանդէսին կատարելու պատկի խորհուրդը տէր Արիստակէսի հետ Տէր Սարգիս հայրը ստանում է հրաւիրատուակը, շտապում է Թիֆլիս, և առաջին անգամ երբ որ տեսնում է Արիստակէս քահանային, հետեւալ պատասխանը լսում է. «Տէր Սարգիս հայր, իրողը էք եկել ներկութիւն կրելով, որովհետեւ պատկիդոյներին ճանապարհ ձգեցի և իմ տիրացուիս էլ, առանձին տոմսակ գրելով այնտեղի քահանային, որ առանց արգելքի պատկի, իսկ ես չը կարողացայ գնալ, պատճառ որ բարեկամներիցս մի հարուստ կին վախճանվել է Մանգլիսում, նրա բերելու և թաղելու կարգադրութիւնները պէտք է տեսնեմ... Սարգիս քահանայն իր ընկերի ճշմարիտ խօսքերին հաւատ ընծայելով, գնում է սուրբ Սարգիս եկեղեցի, և 1—2 ժամ մնում է իր բարեկամների մօտ: Յանկարծ ճանապարհին կը պատահի պատկիդոյն բարեկամներից մինը, որ անմիջապէս շտապեցնում է տէր հօրը տեսնելու՝ շուտ գնացէք, այսօր երկու մարդ ես ուղարկեցին ձեր ետեղի, ձեզ են մնում, որ գնան պատկին, շուտ արեք: Խեղճ քահանայն զարմանալով այս անցքի վրա, գործը ստուգելու մտքով դիմում է հարստատուն, որտեղ, բոլորը զայրացած տէրտէրի ուշանալուն, պատրաստված են գնալ և պատկին: Փեսայի խուճկեալ խօսքերին, Սարգիս քահանայն առում է շփոթել, ինձանից ինչու էք ցուում. ձեր ծխաւոր Արիստակէս աւագ քահանայն ինձ խօսքեց հեռացնել ուղիով: Ես սկսում է պատմել պատահածը: Այդ ժամանակից զալիս և Արիստակէս քահանայն և տեսնելով, թէ իր արարքը յայտնվել է, սաստիկ չփոթվում է: Այս քանը բաւական է նրան զգուշացնելու համար:

որ միւս անգամ իր օդտի համար չը խաբի միախառնելիս և մի և նոյն ժամանակ նրանց մեղաւոր չը դուրս բերի:

Հանդիսական

ՆԵՐՔԻՆ ԼՈՒՐԵՐ

«ПОРЯДОК» լրագրին գրում են Թիֆլիսից որ իշխան Սաղաթեմեան թուամնով պայման է կապել կառավարութեան հետ արդիւնահանել Սե ծովի ափում գտնված հարուստ անտառները, որոնք միակ ամբողջ կովկասում կարող են հայթայթել նաւաշինութեան համար պիտանի փայտ: Թղթակիցը ասում է որ իշխան թուամնով այդ շահաւէտ գործից պայմանադրված ժամանակաւոր միջոցում կը ստանայ 62 միլիօն փող, իսկ կառավարութիւնը կունենայ այդ արդիւնահանութիւնից ընդամենը մի 3 միլիօն բուրլ: Բայց պայմանադրված ժամանակամիջոցից յետոյ կառավարութիւնը կունենայ զուտ միւս, որովհետեւ կը զրկվի մշտապէս ամենագեղեցիկ անտառից, որի տեղ կը մնան ծառերի մի քանի բուններ, լուռ, բայց ճարտարախօս վկաներ մեր երկրի վառանք և յափշտակած բնական հարստութեան: Մեր բոլոր անտառները այնպէս էլ ոչնչացրած են, այժմ վերջինս էլ կոչւնանայ, օգուտ չը տալով պետութեանը, բայց հարստացնելով մասնաւոր անձի գրպանը:

Մեզ խնդրում են տպել հետեւեալը: «Վասպուրականի չորս վանքերի գործակատարներ» Անահայ վարդապետ Երիցեանց և Մեսրոպ վարդապետ Մոկացեան յիշեալ վանքերի սեփականութիւն կազմող Թիֆլիսի դուքանների գործակալ պ. Սաղաթեմեանի հետ հաշիւ տեսնելով, հետեւալ անդորրագիր տուած են իրեն: «Վասպուրականի չորս գլխաւոր վանքերից» Լիւ և Կոտեց անապատաց, Վարդապ և Նարեկայ միաստանաց տեղոյս կալուածոց գործակալ մեծ. Սաղաթեմեան Գարուծիւնեանցի հետ հաշիւ տեսնելով, որ կը սկսի 1876 յուլիսի 1-էն և կը տեւէ մինչև 1881 յուլիսի 1-ը, ամբողջ հինգ տարի, յիշեալ հինգ տարուան շրջանում կալուածներէն գոյացեալ արդեանց ամբողջ գումարը եղաւ 4191 բուրլ 50 կօպէկ: Մեծ. գործակալի ձեռքով սոյն չըջանի մէջ յիշեալ կալուածոց վրա եղած ընդհանուր ծախուց գումարն է 681 բուրլ 90 կօպ. եկամուտից գումարէն զիջելով կը մնայ 3509 բուրլ 60 կօպ. Սոյն փողերն ամուլ չը պահելու համար հետզհետէ լանի 20 հատ բիլլէթ առնելով՝ 136 բուրլ, 67 կօպ. չահեցուցած էր: Սոյն գումարն ես 3509 բ. 60 կօպ. գումարին հետ միանալով ամբողջական գումարն կը լինի 3646 բուրլ 27 կօպ. զոր լիովին ստանալով, կը տամք սոյն անդորրագիրն մեծ. Սաղաթեմեան Գարուծիւնեանցին ի միամտութիւն»:

ՆՈՒՆՈՒՑ մեզ գրում են: «Նուխու անտառապետ պ. Սաղաթեմեանը, մի քանի անգամ հրաւիրագրեր է ուղարկում տեղական հայ հասարակութեան ներկայացուցիչներին, որ գումարվին իր մօտ ուսումնարանի մասին հոգալու և նրան ապահովացնելու համար: Բայց ուսումնարանի կրօնուսոյց տէր-Սիմէոնը ծածուկ զըրգում է ժողովրդեան չը գնալ, որովհետեւ եթէ ուսումնարանը բարեկարգվելու լինի, անպատճառ տէր-Սիմէոնին և նրանից անբաժան տիրացու Համբարձումին կը հեռացնեն դպրոցից, իսկ այժմ բացի այդ երկու անբաժաններից ոչ ոք ուսումնարան իրաւունք չունի մտնելու»:

ԱՐՏՈՒԻՆՑ մեզ գրում են: «Մեր հայ-կաթօլիկ եպիսկոպոս Զաքարեան, որ հայի հետ հայ, վրացու հետ վրացի, թուրքի հետ թուրք է, արդէն սկսել է փորձեր անել հայ-կաթօլիկ եկեղեցու մէջ մտնել արարողութիւններ և աւետարանի ընթերցանութիւնը վրացերէն լեզուով: Նրա և մեր միւս հոգեորականների նըպատակն է թշնամութիւն սերմանել հայ-կաթօլիկներին և հայ-լուսաւորականներին մէջ, Հայ-կաթօլիկ հոգեորականների սովորութիւնն է զըլ խաւորապէս ազգել կանանց վրա, օգուտ քաղելով նրանց նախապաշարմունքից և մոլեռանդութիւնից: Արտաքուստ նրանք իրանց հայ ազգութեան պատկանող են ասում, բայց զաղտնի կերպով նրանցներն են տալիս հայ-կաթօլիկներին մեր հայ-լուսաւորականների եկեղեցիներ չէ՛մքից էլ չանցնելու Հակոբակ դէպքում նը-

րանք նշուած կը համարվեն: Այդ հրահանգների նպատակն է արգելք լինել ազգային կապերի հաստատելուն մի ընտանիքի անդամների մէջ: Բայց բաղաւորապէս Արտուինի հայ-կաթօլիկների մէջ կայ արդէն լուսաւորված երիտասարդների մի խումբ, որ հասկանում է թէ կարելի է հաւատարիմ մնալով իր կրօնին, հռանդոտ կաթօլիկ էլ մնալով, լինել մի և նոյն ժամանակ հայ: Նրանք սկսում են հասկանալ թէ հոգեորականները կրօնի անունով ջանում են քանդել ազգութիւնը, թէ առանց այդ տեսակ հոգեորականների էլ կարելի է մնալ կրօնով կաթօլիկ, բայց ազգութեամբ հայ լինել»:

Մեզ հաղորդում են ԲԱՅՈՒՆՑ հետեւեալը: «Նաւթի գործարանատէրերից միմիայն չլիցաքի Նօթէն է, որ ճշմարիտ կարող է անուամբ կրօնարանատէր և արդիւնաբերող, այդ բաւի բուն նշանակութեամբ: Նրա մօտ ամեն բան եւրօպական կերպով է սարքած, նա խնայող և հաշուող է որտեղ հարկաւոր է, բայց առատաձեռն է, որտեղ այդ պահանջում է իր շահը և գործի աջողութիւնը: Իսկ հայ գործարանատէրերը միտ անտեղի հաշուող, անտեղի խնայող են, կամ աւելի լաւ է ասել ժլատ են, ինչքան էլ հարուստ լինեն, միշտ գործ են ածում հին ձեւեր, մի և նոյն ժամանակ թոյլ են տալիս որ նրանց գործակատարները օրինաւոր կերպով անտեսութեան վրա հիմնվելով հարստանալ՝ հայր չէ իմանում և չէ սիրում: Նա հարստանալու համար գիտէ միայն մի ճանապարհ՝ խարդախութիւն և խաբէութիւն: Բազուի բոլոր հայ գործարանատէրերի գործը միասին վերառած չարժէ մի Նօթէի արած գործը: Այժմ ամենքը այդ չլիցաքուց են կախված. Բազուի հաճանգի վաճառահանվող ամբողջ նաւթի քանակութեան կէտը Նօթէն է վաճառահանում: Նա ունի իր սեփական տէլեֆօն, երկաթուղու իր սեփական վագօններ, կասպից ծովի և Վօլգա գետի վրա իր սեփական նաւեր: Իսկ հայերը չարուհեակում են իրանց արդիւնահանութիւնը մինչև այժմ ամենահին ձեւերով, անգաղար կրկնելով ինչ հարկաւոր է զուր ծախուր անել նոր ձեւեր մտցնելու համար, այդպէս էլ և օւլա կերթանք: Եւ քանի որ օտարազգի հարստանում է,—հայերը հետզհետէ քանդվում են»:

Հնորհակալութեամբ ստացանք այս օրերս Թիֆլիսում հրատարակված մի վրացերէն գրքի, որ պարունակում է իր մէջ իշխան Ալեքսանդր Զաւլաւաձէի բանաստեղծութիւնները: Նա ներկայ դարի առաջին քառորդի յայտնի վրաց բանաստեղծ էր: Գրքոյի մէջ կայ և մի բանաստեղծութիւն որ նուիրած է մեր հայոց հնութիւնների փառաբանելուն:

ԱՐՏԱՔԻՆ ՏԵՍՈՒԹԻՒՆ

ՖԲԱՆՍԻԱ

Հանրապետութեան թշնամիները Ֆրանսիայի մէջ օգուտ են քաղում Ալժիրիցի գործերի ընթացքից հանրապետական կառավարչական եղանակի վրա յարձակվելու համար: Եթէ հաւատանք քօնապարտեաններին և միապետականներին, Ալժիրիցի և Գուերի մէջ ապստամբութիւնները վաղուց ծնված կը լինէին, եթէ Ֆրանսիայի կառավարչական ձեւը միապետական լինէր: Թագաւորը կամ կայսրը մի լուպէ չէին պահեմներալ Ֆարի նման պատերազմական միջոցներ: Հիւսիսային Ալժիրի կուղարկվէր մի երեւելի մարշալ, օրինակ Կօնթրօն կամ Մակ-Մահօն և ապստամբութիւնը անյապաղ կը ծնվէր: Ֆրանսիական միապետականների կարծիքով միայն միապետականները կը ստեղծել ընդունակ միջոցներ և գիտնորականներ, որովհետեւ նա գնահատում է ամեն տեսակ տաղանդ մանաւանդ պետական և պատերազմական:

Անկարելի է հերքել որ յարձակումները այժմեան պատերազմական միջոցով վրա մտած իրաւացի են: Մինչև անգամ հանրապետականները խոստովանում են, որ